



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-04-1915/24-I  
Brčko, 28.10.2024. godine

*SAOPŠTENJE ZA JAVNOST*

**DRAGAN ČIČIĆ PRAVOSNAŽNO OSLOBOĐEN OD OPTUŽBE ZA ZLOUPOTREBU  
SLUŽBENOG POLOŽAJA ILI OVLAŠTENJA**

U krivičnom postupku koji se vodio protiv Dragana Čičića (*direktora u preduzeću „Novi Bimeks“ d.d. Brčko u periodu od 2005. godine do 2011. godine, te osoba koja je imala stvarna ovlaštenja u tom preduzeću do 2015. godine*) prvostepenom presudom Osnovnog suda Brčko distrikta Bosne i Hercegovine broj 96 0 K 135100 21 K od 26.12.2023. godine, optuženi je oslobođen od optužbe da je počinio krivično djelo Zloupotreba položaja ili ovlaštenja.

Vijeće Apelacionog suda Brčko distrikta BiH je dana 14.08.2024. godine na javnoj sjednici donijelo presudu kojom se odbija kao neosnovana žalba Tužilaštva Brčko distrikta Bosne i Hercegovine i potvrđuje presuda Osnovnog suda Brčko distrikta Bosne i Hercegovine, obrazlažući da je po ocjeni Vijeća pravilno postupio prvostepeni sud kada je optuženog oslobodio od optužbe, s obzirom da u konkretnom slučaju nema dovoljno dokaza koji nesumnjivo upućuju na to da je optuženi učinio produženo krivično djelo Zloupotreba položaja ili ovlaštenja.

Podsjećamo, optuženom je stavljeno na teret da je u vremenskom periodu od 18.12.2005. do 07.05.2011. godine kao direktor u preduzeću „Novi Bimeks“ u periodu od 08.05.2011. godine pa do kraja 2015. godine kao osoba koja je imala stvarna ovlaštenja u tom preduzeću, kao vlasnik PTR „Drvoplast“ Kraljevo a u periodu od 19.11.2013. godine do kraja 2015. godine kao fizička osoba-pravni sljednik PTR „Drvoplast, Kraljevo te kao odgovorna osoba u preduzećima „Zmijanje plast“ d.o.o. Banja Luka, „Galames“ d.o.o. Beograd i „Drvoplast“ d.o.o. Petrinja, postupajući suprotno Međunarodnim računovodstvenim standardima te suprotno odredbama Zakona o poduzećima Brčko distrikta BiH, Zakona o finansijskom poslovanju Brčko distrikta BiH i Zakona o računovodstvu i reviziji Brčko distrikta BiH nalagao knjigovodstvu i računovodstvu navedenih preduzeća da se u finansijskim izvještajima i poslovnim knjigama preduzeća „Novi Bimeks“ d.d. Brčko evidentiraju poslovne promjene bez valjane knjigovodstvene dokumentacije i suprotno računovodstvenim i knjigovodstvenim standardima, što je po njegovom nalogu i urađeno, svjestan da će na taj način oštetiti preduzeće „Novi Bimeks“ d.d. Brčko, a PTR „Drvoplast“ Kraljevo pribaviti imovinsku korist čime je počinio krivično djelo – Zloupotreba položaja ili ovlaštenja.

POMOĆNIK SEKRETARA/PORTPAROL  
PRAVOSUDNE KOMISIJE

Dejan Nišić